

فلسفه فاسوفی

فلسفه نك مختلف مسلک‌ارینه دائر اصطلاحات



بعض کلمات فلسفیه

مطلق = Absolu ؛ هیچ برشیه ارتباطی
بولتیان و سربست اولان هرشیدر . « نسبی
Relatif » نك عکسیدر . بو کله الله ایله
« صفات = Attributs » ی حقنده استعمال
ایدیلور .

موجود مطلق = Etre absolu ؛ کند-
یستدن و کندی کندیسيله موجود اولان شی
دیمکدر . موجود مطلق ایکی صورته تعریف
ایدیه بیلیر :

اولا دیگر بر موجود ایله مناسباتی اولمیان
موجود . . . بو معنا ایله موجود مطلق
بر سبب اولماز . زیرا سبب حصوله کنیردیکی
نیزجه ایله آردسند بر مناسبت موجود اولورسه
او زمان سبب اولور . وحدتیونه نظراً موجود
مطلق یکنه موجوددر . حادثاتی ویا نسبتي
نظر اعتباره آلازله نظرآده موجود مطلق
ادراک ایدیه مین ، آکلاشیه مین بر منطقسزلقدر .

ثانیاً : موجود اولق ایچون بشقه بر
موجوده احتیاجی اولقسزین موجود اولان
وسائر موجودلره مناسباتی بولنه بیلن بر
موجوددر . بویه بر موجود سبب اوله بیلیر ؛
بناء علیه موجود مطلق سبب اول « C. Première »
در ، بالذات مستقدر ، وموجودات ساثره
او کا تابعدر .

صفت = Attribut ؛ محاکمه بر موضوع
(sujet) ایله بو موضوعی تصدیق ویا انکار
ایدن برده صفتدن متشکدر . بناءً علیه صفت
شو صورته تعریف ایدیه بیلیر : کندیسيله
بر موضوع انکار ویا تصدیق ایدیه بیلن
هرشیدر .

متافزیکده موضوع sujet یا موجود ،
یاخودده ماده اولور . بو مقامده مطلق کلمه سی ده
استعمال ایدیلور . مطلق کلمه سی صفت مقامنده
استعمال ایدلیدیکی زمان « و یقتور قوزهن » و
« قارته زیهن » لر « نامتناهی infini » ایله
مطلق آردسند بر فرق بولمازلر . « نامتناهی
کلمه سنه باقیکز » . حالبوکه هامیلتون بولنری
یکدیگرندن تفریق ایدر : او کا نظراً مطلق
بر شرطه تابع اولمیه رق محدوددر .

نسبی = relatif ؛ « مطلق » ک مقابلیدر .
بناءً علیه وجودی بر مناسباته متوقف اولان
هر شی دیمکدر .

نسبیه مسلکی = Relativisme ؛ برشی
حقنده کی وقوف بشرک نسبی اولدیغنی ادعا
ایدن مسلک فلسفی در . بو مسلک منتسبارینه
« نسبیون Relativistes » دینور . دستور
اساسیاری شو جمله دن عبارتدر : « هر بر وقوف
بر مناسبت وقوفیدر . »

